

SKIPULAGSSKRÁ

fyrir IOGT-húsið í Reykjavík.

1. gr.

IOGT-húsið er sjálfstæð stofnun, sem lýtur þeim reglum um hlutverk og skipulag, er í skipulagsskrá þessari greinir. Stofnunin yfirtekur eignir og skuldbindingar Templarahallar Reykjavíkur eins og þær eru við undirskrift þessarar skipulagsskrár, en að meginstofni eru þær húseignin Stangarhylur 4, fasteignanr. 223-6182, fasteignamat dags. 15. september 2001, kr. 37.589.000, skuldlaust, þar af skulu bundnar að raungildi kr. 525.000.

2. gr.

Hlutverk stofnunarinnar er að sjá félögum IOGT í Reykjavík fyrir fundaraðstöðu og veita annarri starfsemi IOGT á Íslandi aðstöðu og fjárhagslegan stuðning.

3. gr.

Tekjuafgangur, sem verður af starfsemi stofnunarinnar, rennur til hennar sjálfrar, svo og aðrar tekjur, er henni kunna að áskotnast, hvort heldur er af opinberu fé eða frá einstaklingum, félögum eða stofnunum.

4. gr.

Eigi má selja fasteignir stofnunarinnar, binda þær veðböndum, né kaupa slíkar eignir, er leggjast til stofnunarinnar, nema meirihluti húsráðsmanna samþykki á tveimur fundum í röð og með samþykki svæðisráðs IOGT í Reykjavík. Kaup og sala fasteigna skal jafnframt háð samþykki stjórnar IOGT á Íslandi. Sala fasteignar og/eða veðsetning er og háð samþykki dómsmálaráðherra.

5. gr.

Stjórn stofnunarinnar er í höndum sjö manna húsráðs. IOGT í Reykjavík kýs húsráðsmenn til tveggja ára í senn. Formaður skal kjörinn sérstakri kosningu annað hvert ár ásamt þremur mönnum og aðrir þrír skulu kjörnir hitt árið. Kosning þeirra skal fara fram á aðalfundi IOGT í Reykjavík í mars, þegar nýkjörnir fulltrúar hafa tekið þar sæti. Kosningunni skal hagað eftir sömu reglum og kosningu annarra fulltrúa og embættismanna IOGT í Reykjavík. Húsráðsmenn skulu allir vera góðir og gildir félagar í IOGT í Reykjavík og hafa verið það eigi skemur en tvö ár samfleytt. Nú verður sæti húsráðsmanns autt vegna þess, að hann segir sig úr húsráðinu, deyr eða fer úr IOGT í Reykjavík, skal þá svæðisráð IOGT í Reykjavík tilnefna mann í hans stað er situr í húsráðinu það sem eftir var af kjörtíma þess er vék úr húsráðinu.

Stjórn svæðisráðs IOGT í Reykjavík setur húsráði starfsreglur í samræmi við skipulagsskrá þessa.

6. gr.

Húsráð kýs ritara og gjaldkera og ræður framkvæmdastjóra stofnunarinnar og annað starfsfólk, sem með þarf, að svo miklu leyti sem það hefur ekki falið framkvæmdastjóra ráðningu þess.

7. gr.

Húsráðið fer að öllu leyti með fjármál stofnunarinnar og sér um framkvæmdir allar í málefnum hennar í samræmi við þessa skipulagsskrá. Það skal sjá um viðhald á eignum

stofnunarinnar og góða umgengni um þær og gæta þess að eignirnar séu hagnýttar og með þær farið í samræmi við tilgang stofnunarinnar.

8. gr.

Húsráðið skal árlega gera reikning yfir tekjur stofnunarinnar og gjöld, svo og yfir efnahag hennar í árslok. Reikningarnir skulu fullgerðir eigi síðar en 1. mars ár hvert. Reikningarnir skulu endurskoðaðir af tveimur endurskoðendum, kjörnum á aðalfundi IOGT í Reykjavík samtímis húsráðsmönnum. Reikningarnir skulu lagðir fram til samþykktar á aðalfundi IOGT í Reykjavík.

9. gr.

Hafi framkvæmdastjóri verið ráðinn, skal hann sjá um daglegan rekstur stofnunarinnar. Húsráð setur honum erindisbréf, þar sem nánar er kveðið á um skyldur hans.

10. gr.

Húsráð getur sett reglur um meðferð og not tiltekinna eigna stofnunarinnar, svo sem fasteigna hennar.

11. gr.

Skipulagsskrá þessari verður ekki breytt nema samkvæmt tillögu húsráðs, er hljóti samþykki húsráðs á tveimur fundum í röð og samþykkis svæðisráðs IOGT í Reykjavík á tveimur fundum þess í röð og sé þess getið í fundarboðinu að slíkar breytingatillögur verði þar til afgreiðslu. Þá skal breytingatillagan einnig hljóta samþykki stjórnar IOGT á Íslandi og staðfestingu ríkisvaldsins samkvæmt þeim reglum, sem um slíka staðfestingu gilda á hverjum tíma.

12. gr.

Verði stofnunin lögð niður renna eigur hennar óskiptar til IOGT á Íslandi, er hafi þær til varðveislu. Telji IOGT í Reykjavík rétt að endurvekja stofnunina getur IOGT á Íslandi afhent eignirnar allar eða að hluta til hinnar nýju stofnunar.

13. gr.

Með skipulagsskrá þessari er úr gildi fallin skipulagsskrá fyrir Templarahöll Reykjavíkur IOGT, samþykkt í húsráði 27. mars 1946, staðfest af stórtemplar 29. mars 1946 og staðfest af dómsmálaráðherra 16. apríl 1946.

14. gr.

Leita skal staðfestingar dómsmálaráðherra á skipulagsskrá þessari og hún síðan birt í B-deild Stjórnartíðinda.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 23. janúar 2002.

F. h. r.

Drífa Pálsdóttir.

Fanney Óskarsdóttir.